

## 國人其真不忘今日之恥乎

顏旨微

嗚呼。遘閱既多。受侮不少。吾人居今日而忘今日。受大侮而忘辱恥。是乃無義理之民。則所謂不忘。所謂紀念。正非紀念此一日。乃此日者。正如醜聞瀆頂。一歲中一警戒之。而歲歲年年永不相忘也。

然則不忘而亦已乎。自一八九五年。馬關條約以來。臺灣見割。復以遼東半島。致三國干涉之事。而膠州灣、而旅順、大連、威海衛、廣州灣、相繼租借。至日俄戰役之後。而朝鮮云亡。滿蒙則隸於日人特殊勢力之下。數十年來。遘閱受侮。創鉅痛深。吾人之欲不忘與紀念者不一而足。而獨一今日之日。豈不忘甚深而紀念甚切者。抑又何故。山東非昔日之山東乎。失之於德與奪之於日有何異議。說者謂日本對於山東之事。所提條件。其志不限於膠濟。而在在皆與國家存亡有關。且昔日之政。專於一家。而今則情勢變遷。國家之責任。移轉於全體國民肩臂之上。社會之昏惰日益磨滅。則其感覺於利害之念自日明。矧德國之租借膠州。而實開列國均勢之局。而日本之占有膠濟。直欲將十數年來吾國一綫存亡之機鑰而破壞之。其心之不善。吾民亦安得遂忘之也。

吾國民果能忍辱負重而永誌不忘乎。吾中國數十年之大夢。果將以此一日之侮而遂蘇醒乎。乃自民國四年五月七日至茲。且六載矣。此六載之中。國家之現象爲如何者。南北之不統一。而政府之顛覆不

國人其真不忘今日之恥乎

經且甚於昔。社會之黑暗無明。而國民之意志昏惰且甚於昔。武人之調然驕弱。分權分利之勢亦且甚於昔。外交之失敗。不知誰蔽其罪。財政之破產。不知誰蔽其罪。疆土之陷落。不知誰蔽其罪。責任無重。心可言。而舉國上下俱坐於無能力之一境。民無智慮。吏無大小。放辟邪侈。而優於自殘自殺。無一顧念於國家之原理。無一慎審於世間情感希望利害之事。乃年年今日。如歲時伏臘。例行故事。一翻陳套。略作感慨之言。便得謂之紀念乎。

然則今日之紀念果何謂乎。吾人集四年五月交涉經過之全案。堆積案頭。垂千萬言。欲舉以臚陳。且不知從何說起。而亦深知世人飲食徵逐之不已。亦安有閒暇以耐此煩屑。然吾所敢斷言者。全國之人。能澈下澈上而了解此案交涉之究竟者。十人而不得一二。而今日之政府當局。果能略明本案之梗概者。且將認爲幸事。蓋以少數人之力。造成五四之紀念。遂從而警悟於五七之紀念。亦偶然之事。黑暗之夜。見雷電之光。正如沉沉之社會中。得聞國恥觀念之刺激。而情勢偶然。終不知所以保養之道。亦幾希不經時而過遷。夫國民至於今日。縱不昏惰。然積重之勢。已非一日可返。既無由得參與政事之機會。亦無以左右國是之實力。迷信之心理相沿。幾以國家非我輩之事。而政府亦且久假不疑。此種基礎觀念。歷劫不磨。則一時義憤之事。亦不過中於一時激厲之言。烏得而悠久。夫忍辱含垢於一日。而永誌不忘。此何以故。誌以往之痛。厲今日之心。而求補救於來日。勾越之報吳。其臥薪嘗膽。至復仇而始止。非臥一夕之薪。嘗一朝之膽而已。則今日之事。吾所慨然者。感事蹟之垂淚。而此一日之紀念。猶或者存若昧。縱不少憂憤之士。以強權正義。揮涕相告。而一日之外。又恍惚於其他之歲月無關。則

自然的振蒙發蹟之成功。如今日之政府與社會。勢非有官風暴雨。如日本之通牒。日日相加。刺激不勝。使其感覺不能一刻或忘。而後得清醒之一境乎。

夫今日之紀念猶不能忘者無他。誠以吾膠濟之地。人民猶未甘忍然放置。政府猶未敢直接交涉。而猶待夫國際聯盟會議之解決。夫以我生死存亡之事。國民無偉大健固之力。以自挽救而委其責任於國際聯盟。豈亦行吾心之所安。俄、土、之役。俄人脅土耳其結聖十梯夫之條約。雖經柏林會議撤銷其效力。俄人無所得。土人亦無所得也。奧、土、之爭。奧人迫土耳其以割讓坡、赫、二州之領土權。而歐歐洲大戰之端。奧人無所得。而土人亦無所得也。然則聯盟會議之足恃乎。吾所信者。唯民智民氣民力耳。意國首相以阜麥之地。憤歸國中。日夕演講於羣衆之間。卒得國民最後之決心。以爲後盾。而終獲得之。此非最近之例證乎。民氣民力之不可厚誣如此。則所葆養之者。豈爲一日之故。今日本又改變其對華之政策。從消極的計謀而爲積極的之侵略矣。吾國終不能爲盧森堡。而爲比利時。亦終不能如土耳其之破裂與朝鮮之覆亡。則來日大難。紀念之事。端覺常年累月之足寶。若以之與令節等觀。而開會祭奠。不過點綴一日之風光。則國破家亡。正不知紀念之何所貴也。

(錄自顏旨微論評集)